



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Saxonia || Et || Metropolis || Alberti Crantzii || Historici  
Doctiss. Sacrae || Theologiae & Iuris Canonici Doctoris ||  
celeberrimi, ac Ecclesiae Ham-||burgensis quondam  
Decani**

**Krantz, Albert**

**Coloniae, 1574**

Capvt XVII.

**urn:nbn:de:hbz:466:1-11453**

nominationior est. Hūc ego nouum ducem Saxoniam quo-  
 quē Transalbianam tenuisse crediderim, quōd limita-  
 neus esset ad vicinas Danorum & Wādalorumq; nationes  
 arcendas ab incursionibus, quas Normāni Dani crebras  
 fecerant superiori etate, cū à Ludouicis, Carolis, Ar-  
 nulpho, Reginberto, alijsq;, quos suprā commemorauim-  
 us, proceribus retrō pellerentur: Nunc verò postquā  
 permisit rex Otto Danorum regi Slesuicum, in quo pa-  
 ter eius marchionem creauerat, opus erat praside ac du-  
 ce, qui limites regnorum seruaret. Terram verò Brun-  
 swicensem, quæ postea in ducatum erigitur, & rursus  
 Gottingensem, & quæ Transsylvuana dicitur, cum terra  
 Wittenbergensi, quæ nunc superior dicitur Saxonia, &  
 omnē Misnam Turingiamq; tum Saxonici iuris, pro se  
 ac posteris seruauere Imperatores: Alioquin stultum fu-  
 erit ditare extraneum, & suos exheredes facere. In hac  
 arce noua nouus dux ut religioni inseruiret, gratus Deo  
 qui illum prouexerit, ut susceptus de puluere priuata  
 familie, sederet cum principibus, monasterium instruxit  
 ad arcem, in honorem sancti Michælis archangeli, sub  
 regula diui Benedicti, transferens abbatem primū Lu-  
 dericum de cœnobio S. Pantaleonis ex Colonia.

## CAPVT XVII.

**E**Rat post natū Christū annus DCCCCLXXIIII.  
 cū Imperator Otto Paschæ solennitatem in vrbe  
 Quedelenborg cum filio, principum magno conuentu  
 peregit: & multa constituens in prouincias, respexit  
 imprimis Magdeburgensem urbem & ecclesiam, quia  
 illam requiei suæ prouidit. Insignem virum Adal-  
 bertum primum illi fecit ordinari, ut diximus, ar-  
 chiepiscopum: illic subiecit omnes episcopatus per  
 Wādaliā, quam tunc dixerē Sclauoniā: Erat tamen  
 episco-



episcopatus in parte Transalbina & dandalia in loco Aldenborg, Hamburgensi subiectus: is autem postea translatus est, ut in dandalia diximus, Lubicam. Maritima autem reliqua dandalia necdum ad fidem Christi peruenerant: in quibus Zwerinensis, Ratzeburgensis, Caminensis dioceses terminos suos habent longe paucos limitatos. Tertia autem feria, quam vocant diem Martis, ante Pentecosten eius anni, venit Imperator ad locum qui dicitur Mimlewa: Proxima nocte transacta, hora constituta latus ad mensam confedit: Veniente tempore, vespertinis laudibus interfuit: sed peracto Evangelico eius officij cantu, coepit aestuare, ac spiritu fatigari: Quod cum intellexissent principes circumstantes, imposuerunt eum cubili: inclinantem autem caput quod iam defecisset, refocillarunt: expetitisque sacramentis ecclesiae, & cum summa veneratione perceptis, sine gemitu cum magna tranquillitate spiritum Domino reddidit. Nonis Maij, quarta feria ante Pentecosten. Inde transportatur in cubiculum: & cum iam sero esset, transfatus eius populo enunciatur. Cuius corpus magnis lugentium exequijs à filio rege translatum est in ciuitatem, quam ipse extruxit, Magdeburgum: ibique honorifice tumulatur. Extat hodie sepulcrum eius in crypta. Aiunt, quod aetate nostra viderant, corpus eius post annos supra quingentos ita balsamo stare firmatum, ut velut in sella consistat illaesus: Cuius tumulus ut magnifice renouetur, exposcunt egregia illius principis in Saxoniam, primam patriam, deinde in omnem Germaniam, demum in omnem Imperium & vniuersam ecclesiam catholicam, merita Romanum enim Imperium ab illo magnifice propagatum, exquisitum honorem, & perenne memoriale suum iure deposcit, ut eius in terris memoria permaneat diu.



turna : & si fieri possit, sempiterna : quem ad meliora  
regna rex transfudit immortalis.

## CAPVT XVIII.

**O**tto II. patri filius succedit in regno & Imperio:  
Immo iam viuenti, & regnanti, & imperanti, vt  
voluit, accessit, decedenti autem patri solus succedit :  
nam frater Ludolphus natu maior, iam dudum concessit  
in fata. Henricus autem Bauarorum dux, frater patru-  
elis huius Imperatoris, nonnihil rebellionis ostendit Im-  
peratoris, & vsq; ad arma dissensio processit : sed edomi-  
tus malis, cessit Ottoni, ac in ius eius nihil repugnans con-  
cessit. Inde Imperator conuertit arma in Suardalos, qui  
Ottone I. vita functo cornua erexerunt : vt fieri solet sem-  
per motus initio nouorum vbiq; regnorum : Sed didice-  
runt malo suo non temere diuos : Superueniens enim  
rebellibus, motus eorum compressit, coegitq; dicto pare-  
re. Hac fuere initia noui in Germania regis. Deinde su-  
per Lotharingia regno ( quod Gallici scriptores vocant  
Austrasiam, ex Germania mendicatio vocabulo, quod in  
Orientem vergit à Gallijs, ducatus quoque Metensis  
nonnunquam inscribitur : sed iam praeualuit consuetu-  
do & obtinuit, vt Lotharingia appelletur ) Imperatori  
cum rege Francia Lothario fuit contentio. Erat Lotha-  
rius Gerberga filius : ea fuit germana Ottonis I. Igitur  
consobrini Otto Imperator & Lotharius rex Francia,  
de Lotharingia arma sumpserunt. Prior Lotharius,  
cum Otto necdum quicquam moliretur, pacato agmine  
venit Aquisgranum : cum Imperator nihil hostile pro-  
spiciens, ibi cum coniuge moraretur : Capitur de repen-  
te vrbs tota. Imperator cum familia vix elabatur : Ad  
pradam sparguntur milites Franci : acruatisq; omni-  
bus, quae vel de apparatu Imperatoris, aut vniuersa vrbe

Q pos-